

甯河縣志

地
方
志

卷之二十一

三十九

四十二

重修寧
河縣志

光緒庚辰
孟冬開雕

重修甯河縣志序



古者採風問俗太師陳詩而
觀之太史秉筆而記之蓋天
下之事載乎史而一邑之事紀
於志夫志所以補史之不及
即備異日作史之徵也志不

綦重哉甯邑自

國朝雍正九年分寶坻地始立
縣密邇邦畿神京左衛漸
仁摩義被化尤深故杜文端
蘭臺鶚薦為開國之元勳
王剛節定海鷹揚作中流

之砥柱名臣良將彪炳丹書
他如劉給諫直節立朝廉
農部清操校士杜高州樓
建辦香振斯文於嶺表廉
令尹忠孚丹桂植大節於新
安人傑地靈後先輝映斯固

邑乘之光即潤色

國家之鴻業也乾隆己亥南海

關令以名進士來宰是邑本

良史之才翔甯邑之志徵文

考獻綱舉目張勒為成書

煌々鉅典閱今百餘年未嘗

一修雖規模具在而荒畧不少
倘及今不治日復一日并此荒
畧者必散佚之謂紀守土者之
咎乎光緒丁丑余承乏斯土時
值續修畿輔通志甫下車
邑人士即以志乘進僉謂七八

年來屢欲修緝輒以經費阻
余即從而鼓勵之言此甚善舉
也經費奚慮焉因憶昔司峽
江教諭時值修峽江志之艱
於費余乃督率在學諸生
勸捐興事未幾編成今

聖天子嘉惠斯民司民牧者宜
仍如兢業之興廢舉墜期
無負乎報稱之心况甯俗質
樸近古急功好義尤勝他邑
爰集衆紳捐貲設局邑孝
廉劉魯岑于蔭先李仲霞

等多才博學相與殺青余
於聽政之暇披閱遺篇搜求
事實參觀互訂率由舊章
閱三年而告竣夫職方定邑
首地理也建置分條次沿革
也祀典宜修崇虔報也賦

役是紀軫民依也表職官
稽選舉官師著而賢士升
焉列人物述藝文忠孝勸
而旃彩彰焉風俗並登而
觀採備焉襍識兼附而祥
異序焉寫古貌今犁然各

當後之閱是志者將薰德
而善良士食舊德之名氏
農服先疇之畝畝工用高曾
之規矩商循族世之所嚮
絜絜乎隱々各得其所則此志不
誠大有造耶抑余更有說

焉是役也因循十餘年採
訪屢更令二數易令乃綜百
年之軼事刻期編畢成功固
速遺漏不免惟願後之宰茲
邑者盱衡往古顯微闡幽嘗
纂緝毋令闕文上輜軒而附

良史俾與

聖世金匱石室之藏並垂不朽是
則余之厚望也夫

光緒六年歲次庚辰仲春
月花翎運同銜在任即補直
隸州知州知順天府東路廳

甯河縣事加三級江右德
化丁符九序



周禮春官小史掌邦國之志
今之州邑昔之邦國也邑之
有志古矣甯河東輔邑為
天子甸服雍正九年分自寶坻
以寶坻之志為志然邑既
分則志不得復合今寶坻

已別為志而甯河關如也因
循散佚漸且文殘缺守士
之謂何是豈

朝廷建邑之意哉且自分建

來閱今幾五十年而久將
愈湮則志之作不容少緩

牧承乏於茲五年矣勞心
撫字猶懼不克稱職無以
仰副

聖天子軫念元玉意詎敢以
謏陋之才妄希信今垂後
備一隅之紀載而以導揚

至治者登風俗之書乎誠知
其難也昔人有言作史
難莫過於志蓋稽古據
今其因革損益兼綜條
貫統上下數千百年無一
不釐然如指諸掌邑志猶

是焉地雖小而山川封域賦
役版籍與去石口之登耗
民俗之繁衰政治之得失
其上下數千百年去猶是
也。是雖新而典章條教社
稷人民疆域之所由分治

革之始有自與夫被官公
職真利除弊厚人心興教
化者之所為本其因革損
益兼綜而條貫者猶是也
一有不實則傳信益以滋
終而事詞不稱則混淆舛

漏散而無紀或失則略或失
則繁均所不免焉嗚呼難矣
然以為難而諉之將孰以
為易而承之則甯之志又
誰為始之哉此牧所以慨
然自任而不敢辭者也甯

邑蓋漢漁陽郡也為泉州
為雍奴至唐天寶而更名
武清至遼而置香河至金
天定而復分寶坻稱名屢
易封域常沿而梁城為大
藩葦臺為雄鎮丁明季

而離居蕩析追懷古昔
或慨係之今其地皆隸于
甯按之寶志猶未得其
詳焉則志之作又惡容
緩哉我

國家承平百三十餘年

河渠水利經

列聖之所經營以成樂土又幸近

附

畿甸涵濡沐浴被

化猶親古舊渙服先疇樂

其樂而利其利在雍然三

代之休風也牧章以公
務餘閒進邑之文猷搜
羅而稽訪焉退而與徐
君舍亭輩博稽而詳訂
之則是志之來雖一隅之
紀載乎而實

聖世太平風俗之書也遂忘

其謏陋而不自知其才之


不逮也後之踵而增焉

其亦可諒予之意也夫

賜同進士出身文林郎知順天

府東路廳甯河縣事加

三級紀錄七次南海閩廷
牧序



甯河縣志序

縣之有志始於宋自唐以前
但有地理志郡國志而已然
攷宋志多在南郡至北地之
志創始前明入我
朝而文教光於前代

世宗憲皇帝敕修畿輔通志北地無
不志之縣矣顧其間或有分
縣因有舊志可尋承乏者不
復創為新志此則疆域之混
淆戶口之隱匿賦役之規避
弊竇滋生非先王申畫郊圻